



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material



July

- X1 - Mr. Clayton
- X2 - per & date for yr - mt.
- X3 - Mr. Currier
- X4 - Mr. ...
- X5 - ...
- X6 - Mr. ...
- X7 - Mr. ...

- 1 - Mr. Clayton
- 2 - per & date for yr - mt.
- 3 - ~~Mr. Currier~~
- 4 - ~~Mr. ...~~
- 5 - ~~Mr. ...~~
- 6 - ~~Mr. ...~~
- 7 - ~~Mr. ...~~

Ս. Ա Ն — Ս Կ Ի Յ

99
809

ԳԻՒԳԱՑԻԵԿԱՆ ՀԱՐՅԸ

ՔՐԱՆԱԽԱՅՈՒՄ

360
սլ.

Թարգմ. ուսուերէնից Հ. Հ.





ԳԻՒՂԱՑԻԱԿԱՆ ՀԱՐՅԸ ՖՐԱՆՍԻԱՅՈՒՄ

I

Ֆրանսիայում, ինչպէս և եւրոպական երկիրներէց շատերում, գիւղացիական հարցը ընդհանուր առմամբ նոյնացում է հողի հարցի հետ—խոշոր ու մանր հողատիրութիւնների միջև եղած պայքարի, հողատիրական արտադրութիւնների կապիտալացման հարցի հետ:

Պարբերական և աւելի ու աւելի յաճախ կերպով գլուխ բարձրացնող գիւղատնտեսական ճգնաժամերը՝ բոլոր իրենց ծանր հետեանքներով հանդերձ՝ հրապարակի վրայ գրին խիստ սուր կերպարանք ընդունած գիւղացիական հարցը այլ և այլ եւրոպական երկիրներում, և մանաւանդ Ֆրանսիայում, որտեղ գիւղական ազգաբնակչութիւնը դեռ կազմում է երկրի ընդհանուր բնակչութեան 62 0/0-ը:

Որպէսզի հնարաւոր լինի որս զաղափար կազմել ժամանակակից ֆրանսիական գիւղացիութեան տնտեսական և սոցիալական վիճակի մասին, անհրաժեշտ է թուղցիկ հայեացքով ուշադրութեան առնել այն գրութիւնը, որի մէջ այդ գիւղացիութիւնը գտնուում էր մինչև Մեծ Յեղափոխութիւնը և նրանից յետոյ:

Ֆրանսիայում ճորտութեան իրաւունքը սկսում է աստիճանաբար վերանայ դեռ XV—XVI դարում: Բայց և այնպէս, չը նայած դրան, Մեծ Յեղափոխութիւնը սկսելիս, դեռ ֆրանսիական գիւղացիութիւնը փաստօրէն և մասամբ էլ իրաւաբանօրէն ըստրուկ էր ֆեոդալական սէնեօր—կալաւածատէրերի ձեռքին: Գիւղացիութիւնը ամենաաղքատ, անել և յուսահատ վիճակի մէջ էր: Թշուառ, անգիտակից գիւղացիները հասած էին այդ դառն օրին, այդ սպանիչ վիճակին շնորհիւ ծայրահեղ սակաւհողութեան, կալաւածատէրերին, հոգեւորականութեանն ու թագաւորական իշխանութեանը վճարելի անհամար ու ծանր հարկերի, անտանելի տուրքերի և զանազան վճարումների: Շնորհիւ այն անխիղճ ու

Թ Ի Ֆ Լ Ի Ս

Տպարան «ՀԵՐՄԷՍ» Մաղաքեան փող. 5.

1906



314-2010

լիբր թալաններին ու շահագործման, որոնց ենթարկւում էր գիւղացիութիւնը չինոֆիլները և միջնորդները կողմից, կուլտուրական աստիճանը չափազանց ցած էր, իսկ գիւղական ազգաբնակչութիւնը համարեան բոլորովին անգրագետ, ընկճւած և իրաւազուրկ:

Հողը մշակուում էր պրիմիտիւ և անկատար եղանակով, երկրագործական տէխնիկան աւելի բարձր չէր, քան X դարում, նպաստող, օժանդակ արհեստներ շատ քիչ կային, և այդ թշուառութեան մէջ ստրուկ մասսաների համար օգնութիւն, ելք չը կար և ոչ մի տեղից: Եւ գիւղացի ազգաբնակչութիւնը օրէցօր ուժասպառ էր դառնում, տշլասեւում, մարում էր ուժից վեր աշխատանքից, զրկանքներից, պարբերաբար կրկնուող սովից, հիւանդութիւններից և համաճարակներից (դեռ մի կողմը թողած պատերազմները):

«Փրանսիայում, գրում էր 1779 թւականին անգլիացի դօկտոր Մօօրը, մայրաքաղաքի ամենաձայրահեղ տականքները աւելի լաւ պայմանների մէջ են ապրում, քան աշխատասէր գիւղացիութիւնը... Իւրաքանչիւր երկրում վատ բերքը կամ այլ տարերային դժբախտութիւնները կարող են միայն որոշ ժամանակով առաջ բերել ժողովրդի մէջ կարիք և նոյնիսկ սով: Բայց երբ մի այնպիսի երկրում, որպիսին է Փրանսիան, գիւղացի ազգաբնակչութեան անել և ծայր աղքատութիւնը անընդհատ շարունակուում է մի քանի թագաւորութիւնների ընթացքում, այդ հանգամանքը կարող է ծառայել իբրև կառավարութեան անհոգութեան անվիճելի ապացոյց,—կառավարութեան, որը այդպիսով արդէն դառնում է ժողովրդի կեղեքիչ»: *)

XVIII դարի Փրանսիական գիւղացիութեան մասին առատ վկայութիւններ կարելի է գտնել Իւնգի (Յեղափոխութեան նախօրեակին Փրանսիայում ճանապարհորդած անգլիացի) և այդ դարաշրջանի ուրիշ հեղինակների գրւածքների մէջ:

Գիւղացիական հարցը լուծելու համար XVIII դարի վերջին հրապարակի վրայ էին դրւած երկու որոշ նպատակ. 1) գիւղացիների ազատագրութիւնը Ֆէօդալական ճորտութիւնից և անթիւ հարկերի ու վճարումների լծից և 2) նրանց ապահովումը հէնց նոյն ազնւականութեան կամ հասարակական մի այլ դասակարգի

*) A. View of societiu and Manners in France, Swiserland etc.

նոր ստրկացումից,—ապահովում, որը սլիտի կատարէր Ֆէօդալական հողը գիւղացիների մէջ հաւասարապէս բաժանման միջոցով:

Ինչ վերաբերում է առաջին խնդրին, դա ստացաւ իր վճռական և արմատական լուծումը:

Դեռ 1789 թւականի յունիսի 23-ին միայն՝ Լիւզովիկ XVI-ը հանդիսաւոր կերպով պարտաւորեց «պահպանել անձեռնմխելիօրէն Ֆէօդալական իրաւունքները», և ահա միայն մէկ ու կէս ամիս անցած՝ արդէն յայտարարեց հռչակաւոր «Օգոստոսի 4-ի գէկրէտը», որը իր առաջին իսկ յօդւածով օրինագրում էր. «Ազգային ժողովը *) ամբողջովին վերացնում է Ֆէօդալական կազմը»:

Այդ վերացումը վերջնականապէս գլուխ բերեց Կօնվէնտի **) գէկրէտով 1793 թւականի յուլիսի 17-ին, որն՝ առանց որևէ վարձատրութեան ոչնչացրեց Ֆէօդալական բոլոր իրաւունքները, հրամայելով այրել եղած՝ բոլոր պարտամուրհակները:

Միանգամայն այլ կերպ վերաբերեց Ազգային ժողովը դէպի երկրորդ խնդիրը, որ ասպարէզ էր հանել հէնց ինքը գիւղացիութիւնը: Բուրժուազիան պարզ հասկանում էր իր շահերը, ուստի համարեա տրամադիր չէր գիւղացիութեան պահանջներին լիակատար բաւարարութիւն տալ: Վերացնելով Ֆէօդալական կարգերը, բուրժուազիան ընաւ չէր ձգտում այն նպատակին, որպէսզի աշխատաւոր դասակարգերը ապահովւած լինեն նոր ըստրկացման հնարաւորութիւնից: Սակայն հէնց նոյն իրենք գէպքերը հարկադրեցին բուրժուազիային այդ ուղղութեամբ էլ մի քայլ անել: Եւ այդ քայլը՝ չը նայած իր անբաւարար լինելուն, չը նայած այլ և այլ սահմանափակումների, կը մնայ որպէս Փրանսիական կառավարութեան ամենամիճաւական ակտերից մէկը—գիւղացիութեան խնդիրը լուծելու գործում:

Յեղափոխական մրրիկը, որ սկսեց գիւղացիական ապստամբութիւններով, առաջ բերեց ազնւականների ընդհանուր փախուստ (էմիգրացիա) գէպի արտասահման: Հարիւրաւոր, հազարաւոր ազնւականներ թողնում էին իրենց կալւածներն ու հողերը,

1) Փրանսիական ժողովրդական ներկայացուցիչների առաջին ժողովը, որը փոխարինեց Գեներալ-Շտատներին (1789 թւի յունիսի 17-ին):

2) Ժողովրդական ներկայացուցիչների ժողովը, որը Փրանսիայում հասարակապետութիւն յայտարարեց (1792 թւակնի սեպտեմբերի 21-ին):

իրենց ամբողջներն ու մայրաքաղաքում եղած ապստամբները և փախչում էին Բէլգիա, Աւստրիա, Գերմանիա, որտեղ խիստ ազդեցիկ էին մղում Ֆրանսիայի յեղափոխական կառավարութեան դէմ և, մտնելով թշնամական բանակի շարքերը, պատերազմում էին Ֆրանսիայի դէմ:

Եւ ահա Ազգային ժողովը 1792 թւի ապրիլի 14-ի դէկրէտով որոշեց յարքունիս գրաւել փախստական էմիգրանտներէ բոլոր հողերը, իսկ ուղիղ չորս ամիս յետոյ, օգոստոսի 14-ի դէկրէտով որոշեց բոլոր այդ հողերը ի վաճառ հանել: Այդ վերջին հրամանագրի մէջ ասուած էր. — «մանր սեփականատէրերի թիւը մեծացնելու նպատակով»..... «առաջ էմիգրանտներին պատկանող հողերը, մարգագետինները և այգիները բաժանել փոքր մասերի, որոնցից իւրաքանչիւրը լինի 2-3 դեսետին և հանել ի վաճառ»:

Այս ակտով ազգային ժողովը յոյս ունէր հասնել երկու նպատակի. նախ գիւղացիութեանը իր կողմը գրաւել և միևնոյն ժամանակ ձեռք բերել զբամական միջոցներ, որ անհրաժեշտ էին երկրի ներքին և արտաքին թշնամիներէ հետ պատերազմելու համար:

Սակայն այդ երկու նպատակին էլ նա կարողացաւ հասնել միայն կիսով չափ: Գիւղացիութիւնը, որ յոյս ունէր, թէ էմիգրանտներէ հողերը կը բաժանւեն առանց վարձատրութեան, բաւական չը մնաց այդ կիսամիջոցից: Վաճառումը շատ դանդաղ էր առաջ գնում, թէև հողերը շատ աժան էին գնահատուած: Բացի այն, որ գիւղացիների մեծամասնութիւնը, մանաւանդ սակաւահող գիւղացիք միանգամայն զուրկ էին հողեր գնելու համար անհրաժեշտ միջոցներից, շատ շատերն էլ չէին վստահանում ըրիսկ անել ու կորցնել իրենց փողերը, որովհետև կամ վախենում էին, թէ հողը մի գուցէ նորից գրաւեն նախկին տէրերը (գաղթած կալաւածատէրերը), կամ յոյս ունէին, որ այդ հողը կանցնի իրենց առանց վարձատրութեան: Եւ 4—5 տարւայ ընթացքում վաճառուած էր ընդամենը 452,000 հողամաս, որոնք յետագայում, Ռէստաւրացիայի ժամանակ, գնահատուեցին մէկ միլլիարդ 297 միլլիօն ֆրանկ, իսկ այդ կազմում էր կալաւածատիրական բոլոր հողերի արժէքի գրեթէ միայն մէկ տասներորդը: Եւ ի՞նչ, այդ 452,000 հողաբաժինների մեծագոյն մասը ընկաւ ոչ թէ գիւղացիութեան, այլ վաշխառուների, կեղեքիչների ձեռքը, որոնք աննշան գնելով

գնում էին հարիւրաւոր հողամասեր և ապա եռակի թանկ ծախում գիւղացիութեանը, կամ դարձնում իրենց համար կալաւածներ:

Եթէ էմիգրանտ-կալաւածատէրերին պատկանող հողերի վաճառումը մի փոքր երկար տեւէր, գիւղացիները, հաւանական է, կամաց-կամաց ձեռք կը բերէին այդ հողերը եթէ ոչ ամբողջովին, գոնէ մեծամասնաբար, և այն ժամանակ այդ ակտը կարող էր հսկայ ազդեցութիւն ունենալ ֆրանսիական գիւղացիութեան ապագայ ճակատագրի վրայ: Սակայն առաջին իսկ քայլը դէպի հակայեղափոխութիւնը, դէպի հին կարգերին վերադառնալը պատճառ եղաւ հողերը վաճառելու դադարեցման, իսկ յետոյ կառավարութիւնները 30 տարւայ ընթացքում՝ նախ կայսրութիւնը, ապա և Ռէստաւրացիան, գործ դրին ամեն ջանք՝ ոչնչացնելու — ոչ միայն դէկրէտը, այլ և նրա բոլոր հետևանքները, և վերադարձնելու հողատիրութիւնն այն դրութեանը, որում նա գտնուում էր յեղափոխութիւնից առաջ:

էմիգրանտ-կալաւածատիրական հողերի վաճառումը դադարեց Դիրէկտորիայի ժամանակ, բայց 1792 թւականի ապրիլի 14-ի դէկրէտին ամենավճռական հարւածը հասցրեց Նապօլէօնը Կօնսուլատի ժամանակ: Նախապատրաստելով յեղաշրջումը և զգալով, որ երբ ինքը կայսր դառնայ, անհրաժեշտ կը լինի ունենալ իր շուրջը սերտ կապուած մի կաստա, որի դերը կարող էր կատարել միայն հին ազնւականութիւնը, Նապօլէօնը սկսեց ներուձներ տալ (ամիստիա) ազնւականներին և վերադարձնել նրանց իրենցից յարքունիս գրաւած հողերը:

Այն, ինչ սկսեց Նապօլէօնը, վերջացրեց Ռէստաւրացիան: Հազիւ գահը բարձրացաւ Լիւդովիկ XVIII-ը, և ահա էմիգրանտներին (1814 թւին) վերադարձեցին նրանց բոլոր այն հողերը, որոնք դեռ չէին ծախուած: Տաս տարի յետոյ Լիւդովիկի նախորդ Կարլ X-ը հրատարակեց հէնց նոյն իրենց վերադարձած էմիգրանտների հաստատած օրէնքը, որով տարեկան 30 միլլիօն ընկաւ էր նշանակուած մէկ միլլիարդ կապիտալի համար, որը պիտի տրւէր էմիգրանտներին, իբրև վարձատրութիւն նրանց վաճառուած հողերի փոխարէն: Այդ ըէնտը (մինչև 1829 թ. 30 միլլիօն էր, իսկ յետոյ տարեկան 26 միլլիօն), որ ֆրանսիական երկիրը վճա-

ըում է մինչև այսօր իսկ, այժմ կազմում է 2 միլլիարդի հասնող մի խոշոր գումար:

Ահա այդ էր հողային խնդրի լուծման նկատմամբ կատարւած միայն մի հատիկ արմատական ակտի ճակատագիրը: Այդ փորձը, որ նստեց ժողովրդին երկու միլլիարդ (չը հաշւած այն գումարը, որ վճարւած էր հողի համար), վերջիվերջոյ այն հետեւանքն ունեցաւ, որ հողային մանր սեփականատէրերի թիւը հազիւ մի քառորդ միլլիոնով աւելացաւ:

Դրանից յետոյ, XIX-րդ փոթորկալի դարի ամբողջ ընթացքում էլ ոչ մի փոքր ի շատէ լուրջ փորձ չէ արւել գիւղացիական հողային յարաբերութիւնները կարգաւարելու և լքեալ գիւղացիական մասսաները խոշոր հողատէրերի իշխանութեան տակից ազատելու համար: Եւ XX-րդ դարի սկզբին մենք տեսնում ենք հողային նոյն պատկերը իր բոլոր անմիջական հետևանքներով հանդերձ, որպէսին ներկայացնում էր մեզ նախայեղափոխական Ֆրանսիան:

II.

Ֆրանսիայի ազգաբնակչութիւնը XVIII դարի վերջին (1790 թւին) հաւասար էր 26,500,000-ի. քաղաքների բնակչութիւնը կազմում էր այդ թւի միայն մի տասներորդը: Մնացեալ 24 միլլիոն գիւղական ազգաբնակչութիւնից, որը կազմում էր մօտաւորապէս 7 միլլիոնի չափ երկրագործական տնտեսութիւն մի-մի բանուորով, մօտ 3 միլլիոն մարդ հողային սեփականութեան տէր էին: Ինչպէս վկայում են բոլոր հետազօտողները, այն ժամանակ գիւղացիական հողային սեփականութիւնը չափազանց մանր էր, բաժան-բաժան եղած և ընդհանրապէս բռնում էր Ֆրանսիայի երկրագործական տարածութեան մի երրորդից էլ պակաս մասը: Հողերի մնացեալ երկու երրորդ մասը, որ գլխաւորապէս պատկանում էր ազնւականութեանը, մշակում էր մեծ մասամբ կիտարարականների ձեռքով (այսինքն այն կապալառուների, որոնք բերքի կէսը տալիս են հողատիրոջը): Կիտարարականութիւնը տարածւած էր Ֆրանսիայի ամբողջ եօթ ութներորդական մասում, և միայն տեղ-տեղ գործադրւում էր հողի դրամական կապալը (ֆէրմէրութիւն): Արդէն այն ժամանակ իսկ բաւական շատ հո-

ղազուրկ գիւղացիներ կային, որոնք վարձով էին աշխատում:

Այդպէս էր ահա ընդհանուր առմամբ Ֆրանսիայում տիրող հողային յարաբերութիւնների պատկերը մինչև 1789 թւականը:

Այժմ տեսնենք, թէ ինչ է ներկայացնում այդ տեսակէտից ժամանակակից Ֆրանսիան:

Վերջին վիճակագրական տեղեկութիւնների համաձայն, Ֆրանսիայի ազգաբնակչութիւնը 1896 թւականին հաւասար էր 38 1/2 միլլիոնի: Գիւղական ազգաբնակչութիւն կազմում էր արդէն ոչ ինն տասներորդական մասը, այլ ընդհանուր ազգաբնակչութեան միայն վեց տասներորդականը, բայց այդ կազմում է հէնց նոյն թիւը. որ մենք տեսանք մինչ-յեղափոխական շրջանում. այսինքն 24 միլլիոն գիւղական, բնակիչ, որոնցից ակտիւ աշխատաւոր են (չը հաշւած կանանց, երեխաներին և ծերերին) 6 1/2 միլլիոն հոգի:

1892 թւականի վիճակագրութեամբ՝ այդ ակտիւ բանուորական ազգաբնակչութիւնը հողատիրութեան տեսակէտից բաժանւած էր հետևեալ կերպով.

- 1) Այն անձինք, որ հողատէր են և աշխատում են իրենց հողի վրայ անձամբ կամ կառավարիչների միջոցով 2.199,220, կամ 33⁰/₀
 - 2) Անձինք, որ թէև հողատէր են, բայց հարկադրւած են աշխատելու նաև ուրիշի հողի վրա, որպէս ֆէրմէրներ, կիտարարականներ կամ բանուորներ 1.188,025 » 17,30⁰/₀
 - 3) Հողազուրկ, ուրիշի հողի վրայ աշխատող ֆէրմէրներ, կիտարարականներ, ծառայողներ, բանուորներ կամ ծառաներ 3.275,890 » 49,20⁰/₀
- Ընդամենը 6.663,135 կամ 100⁰/₀

Այս աղիւսակից երևում է, որ Ֆրանսիայի երկրագործ ազգաբնակչութեան համարեան կէսը զուրկ է որևէ հողաբաժնից, իսկ միւս կէսը՝ մէկ երրորդ մասից աւելին էլ կազմում է սակաւահող գիւղացիութիւնը, որը ոչ մի հնարաւորութիւն չունի ապրելու իրեն պատկանող հողի վրայ, առանց կողմնակի աշխատանքի: Այդպիսով, երկրագործ ժողովրդից միայն երրորդ մասն է, որ ունի բաւարար քանակութեամբ հող, և այդ թւումն են նաև խոշոր և միջակ հողատէրերը:

Տեսնենք այժմ, թէ ինչպէս է բաժանւած հողը՝ երկրագործ ժողովրդի կէսը կազմող 3,387,245 հողատէրերի միջև:

1892 թւականին մշակող երկրագործական տարածութիւնը Յրանսիայում հաւասար էր 49,378,813 հէկտարի (հէկտարը հաւասար է 9/10 դէսետարին): Այդ տարածութիւնը բաժանւած է 5,702,752 տնտեսական հողաբաժինների (տնտեսական հողաբաժինների թիւը անհամեմատ աւելի մեծ է, քան հողատէրերի թիւը, որովհետև հողատէրերից ոմանք իրենց տիրապետութեան տակ ունեն երկու և աւելի հողաբաժին): Այդ հողաբաժինները՝ ըստ իրենց մեծութեան՝ բաժանւած էին հետևեալ կերպով:

Հողաբաժնի չափը:	Քանի այդպիսի հողաբաժին կայ:	Ընդամենը այդ հողաբաժինները քանի հէկտարից են բաղկացած:	Հողային ամբողջ տարածութեան տոկոսը (°/0).
Մէկ հէկտարից քիչ	1,235,405	1,327,239	2,6/80°/0
1-ից մինչև 5 հէկտար . .	2,829,259	5,489,250	11,22°/0
5-ից մինչև 10 հէկտար	788,299	5,755,500	11,65°/0
10-ից մինչև 40 հէկտար	711,118	14,313,417	28,98°/0
40-ից և աւելի հէկտար	138,671	22,493,393	45,47°/0

Այս թւերը պերճախօս կերպով պատկերացնում են, թէ որպիսի յարաբերութիւններ գոյութիւն ունեն մասը և խոշոր հողատիրութիւնների միջև: Մինչդեռ ամբողջ 4 միլիօն մասը գիւղացիական տնտեսութիւնները (մինչև 5 հէկտար) բռնում են երկրագործական տարածութեան մէկ վեցերորդ մասից էլ քիչ, մօտ 800 հազար աւելի խոշոր գիւղացիական տնտեսութիւնները (5 հէկտարից մինչև 10 հէկտար) բռնում են մէկ իններորդ մասը (իսկ միասին՝ հողային տարածութեան քառորդը), միջակ և խոշոր կալւածատիրական տնտեսութիւնները, որոնք միայն մօտ 850 հազարի են հասնում, կազմում են հողային տարածութեան երեք քառորդը: Եթէ նոյնիսկ ընդունենք, որ 10-ից մինչև 40 հէկտար հողից բաղկացած տնտեսութիւնների մի որոշ մասը գտնուում է ունեւոր գիւղացիների ձեռքին, այդ դէպքում էլ գիւղացիական հողատիրութիւնը հազիւ թէ կազմի աւելի մեծ հողային տարածութիւն, քան XVIII-րդ դարի վերջում:

Հողատէր և երկրագործ ազգաբնակչութեան բնաւորութիւնը XIX-րդ դարի ընթացքում խիստ փոփոխութիւններ կրեց: Միջակ և խոշոր հողային տիրապետութիւնների մեծագոյն մասն անցաւ բուրժուազիայի ձեռքը: Կիսարարականների փոխարէն, որոնց թիւը իջաւ բանւոր երկրագործական ազգաբնակչութեան 7,18°/0-ին, ասպարէզ կկան մի կողմից ֆէրմէրները և միւս կողմից՝ բատրակ-պրօլէտարները: Սակայն այդ հանդամանքը խոշոր հողատէրերի և գիւղացիութեան միջև եղած փոխադարձ յարաբերութիւնները շատ քիչ փոխեց, և շատ կողմերից այդ յարաբերութիւնները մնացին այնպէս, ինչպէս Մեծ Յեղափոխութիւնից առաջ էին:

Եւ այժմ էլ, ինչպէս և XVIII-րդ դարում, խոշոր հողատէրը իր շրջանում փաստօրէն երևան է գալիս իբրև անսահմանափակ իշխող, որին հպատակ են և՛ տեղական վարչութիւնը, և ինտելլիգէնցիան, և հոգևորականութիւնը,—և նա օգտւելով այն հանգամանքից, որ գիւղացիները տնտեսապէս կախւած են իրենից, տիրաբար թելադրում է նրանց իր կամքը, թելադրում է նրանց իր կրօնական և քաղաքական համոզմունքները, ստիպում է նրանց ընտրել պատգամաւորական պալատի և ընդհանուր խոշորագործների համար եթէ սչ իրեն, գոնէ իր թեկնածուներին:

Մի բացատրութիւն սակայն: Վերոյիշեալով մենք ամենևին ի նկատի չենք ունեցել ասելու, որ XIX-րդ դարի վերջերի Փլուրանսիական գիւղացին մնացել է նոյնը, ինչ որ XVIII դարի վերջումն էր: Ընդհակառակը. ինչ վերաբերում է կուլտուրական և մտաւոր զարգացման աստիճանին, այդ կողմից գիւղացիութիւնը XIX դարի ամբողջ ընթացքում ահագին առաջադիմութիւն է արել և եթէ նախայեղափոխական շրջանի քաղցած, անկիրթ, ձեռւած, ճնշւած և իրաւագուրդ գիւղացուն հնարաւոր լինէր ցոյց տալ ժամանակակից գրագէտ, քաղաքակրթութեան շատ բարիքներ (մինչև լրագիրն իսկ) վայելող գիւղացուն, որ չը գիտէ ոչ սով, ոչ նախկին թալանը և բացարձակ բռնութիւնները, առաջինը հաւանօրէն չէր համարձակւի վերջինին (ժամանակակից գիւղացուն) իր յետնորդը համարել: Բայց և այնպէս, գիւղի չարքաշ—աշխատաւոր ժողովրդի և խոշոր հողատէրերի միջև գոյութիւն ունեցող փոխադարձ յարաբերութիւնները (որոնք առաջ են գալիս այն բանից, որ գիւղի աշխատաւոր մասսաները տնտես-

ասպէս կախած են խոշոր հողատէրերից) մինչև օրս դեռ պահպանել են Ֆէօդալական կազմի շատ գծերը:

Հապա ինչո՞ւն են կայանում պատճառները, և որո՞նք կարող են լինել հետեանքներն այն բանի, որ մանր գիւղացիական հողատիրութիւնը համարեն մի ամբողջ դարի ընթացքում մնացել է նոյն դրութեան մէջ, պահպանելով իր ձևերը, իր չափերը և իր յարաբերութիւնը դէպի խոշոր հողատիրութիւնը:

Արդե՞ք այդ կայուն վիճակը ապացոյց է գիւղացիների անշարժութեան և անկարողութեան, թէ՞, ընդհակառակը, այդ վիճակում է մանր հողատիրութեան ոյժն ու կենսունակութիւնը: Արդե՞ք պիտի մեղադրել Ֆրանսիական գիւղացիութեանը այն բանի համար, որ մի ամբողջ դարի ընթացքում նա չէ կարողացել ձեռք բերել իր համար որոշ տնտեսական գիրք, չէ կարողացել արհամար հողի և այդպիսով ազատել խոշոր հողատիրութեան իշխանութիւնից. թէ՞ ընդհակառակը, հարկաւոր է արժանիք և ծառայութիւն համարել այն, որ Ֆրանսիական գիւղացիութիւնը պահել է գոնէ հողային այն սեփականութիւնը, որ նա ունէր մինչև Մեծ Յեղափոխութիւնը, և որ թոյլ չէ աւել գրկել իրեն հողից ու դարձնել հողագուրկ պրօլէտարիատ:

III

Ֆրանսիական Մեծ Յեղափոխութիւնը գիւղացիներին հող չը բաշխեց, նրանց վերստին ստրկացման գիրկը նետելու հնարաւորութիւնից չ'ապահովեց, բայց և այնպէս նրա (Յեղափոխութեան) կատարած ահապին ծառայութիւնը այն բանումն է կայանում, որ նա բռնի կերպով հողագուրկ չ'արեց գիւղացիութեանը, ինչպէս որ այդ տեղի ունեցաւ Անգլիայում և Պրուսիայում. որ ոտն ու ձեռքը կաշկանդւած գիւղացուն չը նետեց տնտեսական նոր յարաբերութիւնների յորձանքի մէջ, նրան գլխովին չը մատնեց յաղթական կապիտալիզմին: Թողնելով հողային սեփականութիւն ունեցող գիւղացիութեան մի համեմատաբար խոշոր կորիզ, յեղափոխութիւնը գոնէ ընդառաջ չ'ելաւ կապիտալիզմին պատրաստի պրօլէտարիատով և հնարաւորութիւն տրւեց գիւղացիութեանը՝ սեփական ուժերով կախ մղելու իր գէթ մասնակի տնտեսական անկախութեան համար:

XIX դարու սկզբից Ֆրանսիական գիւղացիութեան գէժ մէկը

միւսի յետեից դուրս եկան ահաւոր ոյժեր, որոնք ձգտում էին ունչացնել նրա ինքնուրոյնութիւնը, հողագուրկ անել և ստրկացման անգունդը նետել նրան: Եւ ի՞նչ էր կատարում երեսուն երկար ու ձիգ տարիների ընթացքում ահեղաբար ու սիստէմատիկ կերպով գործող հակայեղափոխութիւնը (ռէակցիա), եթէ ոչ միայն աստիճանօրէն կենդանացնում էր Ֆէօդալական հին կարգերը, գիւղացիութեան գէժ էր մղում նրա հին ոխերիմ թշնամուն, այն է՝ ազահ, անողոր և կատաղած հողատիրական արիստօկրատիան, որը նորէն ձեռք բերելով իր հողերը, իր իշխանութեամբ և արտօնութիւններով ոչ միայն չը վերականգնեց, այլ և սկսեց հողագուրկ անել գիւղացիութեանը:

Երեսուն թւականի յուլիսեան յեղափոխութեան որոտները աւետեցին Ֆրանսիական աշխարհին ոչ այնքան գիւղացիների աղատոււմը վերականգնած ֆեօդալականութեան ճիրաններից, որքան մի նոր իշխանաւորի, մի առաւել հզօր, անողորմ ոյժի հրապարակ ելնելը, որն աւելի անողոր էր, քան ինքը տոհմային ազնւականութիւնը:

Այդ նորածին ոյժը՝ դրամական ազնւականութիւնը, այլապէս ասած՝ բուրժուազիան էր: Իր ձեռքն առնելով քաղաքական իշխանութիւնը, նա դուրս եկաւ ժողովրդի գէժ նոր գէնքով: Եթէ հին ազնւականութիւնը հարւածում էր գիւղը մահակով, այժմ՝ բուրժուազիան սկսեց հարւածել այդ նոյն գիւղը դրամի միջոցով:

XIX դարի սկզբից Ֆրանսիան սկսում է աստիճանաբար անցնել կապիտալիստական տնտեսութեան, այսինքն հասարակական կեանքի մի այնպիսի կազմի, որի ժամանակ գործածու առարկաների մեծագոյն մասը արտադրւում է մեքենաների միջոցով, խոշոր չափով՝ նաև վարձու աշխատանքով, և արտադրւում է ոչ թէ արտադրողների գործածութեան համար, այլ վաճառելու նպատակով:

Շատ առարկաներ, որ մինչ այդ տնայնագործական էին, այսինքն շինւում էին տանը ձեռքով, այժմ սկսեցին արտադրել մեքենաների միջոցով գործարաններում: Հաղորդակցութեան ճանապարհների կատարելագործումը սաստիկ լայն ծաւալ տւեց միջազգային առևտրին և առաջ բերեց կարիք՝ ապրանքները մեծ քանակութեամբ արտադրելու: Եւրօպական այլ և այլ ժողովուրդների միջև սկսեց մրցում, և իւրաքանչիւրը նրանցից աշխատում էր արտադրելու իր ապրանքները որքան կարելի է աժան, որ-

պէսզի կարողանայ միւս ժողովրդից խել նրա մուշտարիներին:

XIX դարի կէսից ֆրանսիական կապիտալիզմը սկսեց փոքրել մանր հողատիրութեան հիմքը և այդպիսով չարքաշ գիւղացիութեան ոտքի տակից դուրս քաշել նրա մե թիղ հողը, նրա վերջին յենակետը:

Գործարանական արտադրութեան օրաւոր առաջընթաց զարգացման հետ միասին՝ գիւղացիների համար որպէս դրամական եկամուտի աղբիւր ծառայող անայնազործ փեշակները գիւղից իսպառ անհետացան, և դրա հետ միասին անչափ մեծացաւ փողի պահանջը գիւղացիութեան համար, որովհետև մեծացել էին հարկերը, ծնունդ էին առել բազմաթիւ նոր պահանջներ, որոնք առաջ անծանօթ էին գիւղացիներին, կամ եթէ ծանօթ էլ էին, գիւղացիները բաւարարում էին այդ իրենց սեփական անային արտադրութեամբ:

Սակայն այդքանով դեռ չը սահմանափակեց կապիտալիզմի ազդեցութիւնը գիւղի վրայ: Կապիտալիզմը խոշոր մեքենայական արտադրութիւնը մտցրեց նաև երկրագործական ասպարէզում (ի հարկէ, կաւածներում): Այդ հանգամանքի շնորհիւ երկրագործական արդիւնքների արտադրութիւնը չափազանց մեծացաւ և աժանացաւ: Ու XIX դարի կէսից հացի գները սկսեցին սիստէմատիկաբար ընկնել. դրա պատճառը նաև այն էր, որ հազորդակցութեան ձանապարհների զարգացումը հնարաւոր դարձրեց հաց ներմուծելը այնպիսի երկիրներից, ինչպէս Ամերիկա, Հնդկաստան, որտեղ հացի արտադրութիւնը առասպելաբար աժան է:

Այսպիսով կապիտալիզմը, որը զրկեց գիւղացիութեանը ընական անտեսութեամբ տպելու հնարաւորութիւնից (այսինքն՝ երբ ամեն ոք պատրաստում է այն ամենը, ինչ հարկաւոր է իր սեփական գործածութեան համար), նախ առաջ բերեց օրէցօր աւելի և աւելի մեծացող փողի պահանջը. բացի դրանից, խլեց գիւղացիների տեղական անայնազործական աշխատանքի եկամուտը և, վերջապէս, իջեցրեց երկրագործական արտադրութեան գինը:

Որպէսզի կարելի լինէր դուրս գալ այս անտանելի դրութիւնից, գիւղացուն մտում էր միայն մի միջոց՝ մեծացնել արտադրութեան ծաւալը: Սակայն ինչպէ՞ս մեծացնել: Լայնացնել վարունցանքսի սահմանները չէր կարելի, որովհետև հող չը կար, իսկ հողի արդիւնաբերականութիւնն աւելացնելու և աւելի կա-

տարեւագործւած անտեսութեան անցնելու համար հարկաւոր է հողի արհեստական պարարտացում, անհրաժեշտ են մեքենաներ, աւելի լաւ լծկան անասուններ, կարճ՝ հարկաւոր են կապիտալներ, որոնցից գիւղացիութիւնը զուրկ էր: Եւ վերջապէս, ի՞նչ բարեւաւումներ են հնարաւոր մի թիղ հողի վրայ...

Այդպիսով, կապիտալիզմի զարգացմամբ սեփականատէր գիւղացու դրութիւնը օրէցօր վատանում, աւելի ու աւելի ծանր, դժւարին էր դառնում, և սկսում էր թւալ ոչ միայն բուրժուազիայի հաւատարիմ ծառաներին, այլ և ժողովրդի իսկական բարեկամներից շատերին, որ այդ դրութիւնն անել և յուսահատ է: Եւ նրանք, ժողովրդի այդ անկեղծ, բայց անհեռատես բարեկամները, էլ ոչինչ չը գտան անելու և ասելու, բայց եթէ խոնարհութեամբ ենթարկելու «պատմութեան անխուսափելի օրէնքին»:

Մտաւորապէս ութ տարի սրանից առաջ ֆրանսիական բանւորական կուսակցութեան պարագլուխներից մէկը, Ժան-Ժօրէսը, պատգամաւորական պալատի առաջ այսպէս նկարագրեց ֆրանսիական գիւղացիութեան դրութիւնը. «Երկրագործական արտադրութիւնը—ասում էր նա—ներկայումս գտնւում է օրհասական վիճակի մէջ: Նա (արտադրութիւնը) եթէ ուզում է կուել համաշխարհայի մրցման և գների անկման դէմ, հարկադրւած է, լայնօրէն բացել իր դռները շարժական կապիտալի առաջ, իրեն օգնելու կոչել նրան: Բայց եթէ երկրագործութիւնը օգնութեան կանչէ այդ կապիտալները, եթէ նա դիմէ փոխառութիւններին, եթէ արտադրողը հողի պարարտացում ու լաւ խաղողի որթեր ձեռք բերելու համար և վարը խորացնելու ու կատարեւագործւած արտադրութիւն առաջ բերելու նպատակով ստիպւած լինի դիմել նոյն այդ կապիտալին, այն ժամանակ այդ ամենը հաւանօրէն շատ շուտով հողային սեփականութիւնը, մասնաւորապէս՝ գիւղացիական հողային սեփականութիւնը կը գցի շարժական կապիտալի լիակատար իշխանութեան ներքոյ:

«Այսպէս ուրեմն, պարոններ, խնդիրը երկրագործական արտադրութեան վերաբերմամբ դրւած է մի չափազանց սպառնական ձևով. կամ այդ արտադրութիւնը չի գիմիլ կապիտալի ոյժին, ֆինանսների օգնութեանը, և դրանց բացակայութեան, ուժեղ և արագ առաջադիմութեան (որը հնարաւոր է միայն կապիտալի օգնութեամբ) բացակայութեան պատճառով

կանգ կառնի ու կը ոչնչանայ հաժարաբարային մրցման հետ, վարճող կուռում կամ նա (արտադրութիւնը) օգնութեան կը կանչէ կապիտալներ և փրկւած կը լինի նրանց միջոցով, փրկւած, բայց... և կուլ գնացած: Եւ այսօր հողային սեփականութիւնը, գիւղացիական հողատիրութիւնը անհետանալու, երկու ճանապարհներէից մէկն ունի ընտրելու. նա կ'անհետանայ կամ քարուքանդ լինելուց: կամ Ֆինանսների և շարժական կապիտալի շնորհիւ:

Բայց եթէ ամենքը, ժողովրդի և բարեկամները, և թշնամիք, անցիտալի և ապագայի մարդիկ, ոչ մի ուրիշ ելք չը գտնելով, խոնարհեցին կապիտալիզմի ամենայնպէս ոյժի առաջ, — միայն մէկը եղաւ, որ չը յաղթեց, գուր չը թեքեց հզօր կապիտալիզմի առաջ և այդ մէկը հէնց ինքը գիւղացին է:

Խեղճ, անպաշտպան, չունենալով ոչ կուլ միջոց, ոչ էլ գիտութեան ու տեխնիկայի ոյժից օգտուելու հնարաւորութիւն, նա, այդ չարատանջ գիւղացին, կուլ մտաւ կապիտալիզմի հետ մերկ ու անզէն, մտաւ, յենելով միայն իր աշխատանքի, իր գիւղացիական տոկոսնութեան ու գիմացկոտութեան վրայ, առաջնորդելով միայն իր սեփական մտքերով, սեփական նկատումներով: Եւ եթէ ամբողջ կէս դար շարունակեող անխնայ և յուսահատ կուռում նա դեռ յաղթող չը հանդիսացաւ, բայց և չը յաղթեց էլ կապիտալիզմից: Իսկ այդ վերջին հանգամանքը հէնց ինքն ըստ ինքեան մի խոշոր յաղթութիւն կարող է համարել:

IV

Ֆրանսիացի հեղինակները շատ յաճախ են կանգ առել Ֆրանսիական գիւղացիութիւնը բնորոշելու վրայ: Այդ բնորոշումները նկարագրում են ժամանակակից գիւղացու տիպը շատ մոայլ գոյներով: Համաձայն դրանց, գիւղացին ինդիվիդուալիստ է (անհատական), քարասիրտ, ժլատ, կասկածոտ և եսասէր մինչև ուղն ու ծուծը: Միակ զգացումը, որ մատչելի է նրան, որ ամբողջովին համակում է նրան, — այդ նրա սէրն է գէպի իր սեփականութիւնը, և ձգտումը՝ մեծացնել այդ սեփականութիւնը:

Եւ բոլոր այն զգացումները, որոնցով յուզում ու շնչում է այդ գիւղացու էութիւնը, կենտրոնացած են միայն իր մի կտոր

հողի վրայ. բոլոր, բոլոր նրա ցանկութիւնները, տենչանքը ուղղւած են միայն մի կէտի՝ փող հաւաքել, հարկաւոր գումարը դրստել, որպէսզի մի երկու սօմար հող էլ կարողանայ գնել ու իր հողի կտորը «կորրիկացնել»: Նա իրեն զօր է տալիս, մէջք է կտորում ծանր, ուժից վեր աշխատութիւնների մէջ, զրկում է իրեն կեանքի ամենատարրական պահանջներէից, խեղդում է իր մէջ ամենախոր զգացումները՝ մանկական և ծնողական ջերմ կապը, ամուսնական սէրը, ընկերական մտերմութիւնը. նա պատրաստ է քաղցամահ անել իր հօրն ու մօրը, վնդել տանից իր հարազատ զաւակներին: Եւ նրա մտքի ու հոգու բոլոր ոյժերը կենտրոնացած են մի կէտի վրայ, այն է՝ հողի: Նրա այդ սէրը գէպի հողը, որ հիւանդկոտ, մուլի կրքի է փոխում, խեղդում, մեռցնում է նրա մէջ բոլոր այլ զգացումները — և՛ քաղաքացիական, և՛ մարդկային:

Ահա ընդհանուր գծերով ֆրանսիական գիւղացու տիպը, ինչպէս նրան պատկերացնում է ֆրանսիական գեղարւեստական գրողների մեծամասնութիւնը, այդ թւում և Զօլան իր «Հող» անունով վէպի մէջ:

Սակայն իսկապէս այդպէս է ֆրանսիական գիւղացին, որն իր անխոնջ ուսերի վրայ կրել և դեռ կրում է ֆրանսիական ամբողջ մըրկալի պատմութիւնը՝ բարձր կուլտուրով և փայլուն քաղաքակրթութեամբ հանդերձ, այն գիւղացին, որ տեւ է և տալիս է իր միջից ամենահուշակաւոր ներկայացուցիչներ զրական, գիտական և հասարակական կեանքի առաջնորդում, սկսած Պրուդօնից մինչև Պաստեօրը, Գամբէտտայից մինչև կլէմանսօն:

Կասկածից դուրս է, որ ժամանակակից գիւղացիութիւնը բնորոշելիս, մոայլ գծերը խիստ չափազանցրած են, սև գոյները չափազանց սառն ու կոպիտ են քուած: Եւ այդ հանգամանքը հետեանք է գլխաւորապէս այն բանի, որ գիւղացիական կեանքի մասին գրել են այնպիսի մարդիկ, որոնք միանգամայն օտար են գիւղին, և որ Ֆրանսիան մինչև օրս չի ունեցել ոչ մի հատիկ իսկական-ժողովրդական — (այդ խօսքի ուսուական նշանակութեամբ) գրող: Ֆրանսիան ունեցել է իր ժօրժ-Զանդը և Միշլէն, Մօպասանը և Զօլան, բայց նա չէ ունեցել մի հատ Ուսպէնսկի, մի հեղինակ, որը սրտի խորունկ զգացումով, ջերմ սիրով գիւղը գնար, որը ներս թափանցէր ժողովրդական կեանքի նւիրա-

1914 - 2010

կան և խորհրդաւոր անկիւնները՝ նրա միտքը, նրա ուղղութիւնը հասկանալու, այն գիտակցութեամբ, որ ինքն անվերջ, յաւիտեանս պարտական է այդ ժողովրդին:

Յրանստիայում գիւղացիութեան մասին գրում էին, գլխաւորապէս, «պիկանտ թեմաներ» որոնողները, գրում էին «օտարներն օտարների համար, իսկ յաճախ՝ ժողովրդի թշնամիները նրա թշնամիների համար»: Ահա այդ է պատճառը, որ գոյները դուրս էին գալիս այնքան սառն ու մռայլ, այնքան կոպիտ ու մակերեսային:

Այդ հեղինակներից գրեթէ և ոչ մէկը կանգ չէ առել խորը ուշադրութեամբ այն խնդրի վրայ, թէ ինչո՞ւ է իսկապէս գիւղացին այդօրինակ պահպանողական, կասկածոտ ու քարասիրտ. ինչո՞ւ նրա բոլորը զգացումներն ու մտածմունքը կենսորոնացած են իր սեփականութեան, իր մի կտոր հողի վրայ: Մինչդեռ արժէք լուրջ կերպով կանգ առնել այդ հարցերի վրայ...

Եթէ Ֆրանսիական գիւղացու բնաւորութեան մի քանի իրական գծերը համապատասխանում էլ են գրականական այդ նկարագրերներին, այնուամենայնիւ այդ գծերը ոչ մի ղէպքում չեն կարող բնորոշ համարել Ֆրանսիական գիւղացիութեան վերաբերմամբ, որովհետեւ այդ մռայլ գծերը զարգացել և առաջ են եկել ոչ թէ երկրագործական աշխատանքի շնորհիւ, այլ կուլտուրական գասակարգերի վերաբերմունքից ղէպի ժողովուրդը: Եթէ գիւղացին կասկածոտ է և պահպանողական, պատճառն այն է, որ կուլտուրական գասակարգերը նրան հաւատ ու վստահութիւն չեն ներշնչել ղէպ՝ իրենց, — և չէին էլ կարող ներշնչել, — զբանից գատ, այդ կրթւած գասակարգերը գիւղացուն չեն տւել իր հոգեկան ոյժերը զարգացնելու, իր մտաւոր հօրիզոնը ընդլայնելու համար անհրաժեշտ ոչ միջոցներ և ոչ էլ հնարաւորութիւն: Եթէ գիւղացին իր բոլոր մտքերն ու ոյժերը կենսորոնացրել է իր հողի վրայ՝ այն նպատակով, որ չը կտրւի այդ հողից և ունենայ այդ հողն այնպիսի քանակութեամբ, որ կարողանայ իր գոյութիւնը պահպանել, սարգ է, որ այդ բանը թելադրում է նրան միայն և միմիայն ինքնապահպանութեան բնագոյր: Իր սեփական հողի մի կտորի և միայն նրա մէջն էր տեսնում գիւղացին իր միակ և հուսատարիմ պաշտպանին, որը չի խաբի, չի դաւաճանի և չի թողնի նրան, այդ միայնակ ու անօգնական մարդուն, երես առ երես քաղցամահի դաժան ուրւականի հանդէպ:

Յրանստիական Մեծ Յեղափոխութիւնը չարդարացրեց գիւղացիների յոյսերը, հող չը տւեց հողագործին, — և Ֆրանսիական գիւղացիութիւնն ինքն իր սեփական ոյժերով յանձն առաւ իրագործելու այդ վիթխարի խնդիրը: Ուժից վեր աշխատանքի և անասելի ջանքերի գնով նա սկսեց քայլ առ քայլ գնել կալաւածատիրական հողերը, սկսեց գլուխ բերել այն գործը, որին Ֆրանսիական բոլոր հեղինակները «Հողի նւաճումը գիւղացիների ձեռքով» անունը տւին: Եւ գիւղացիութիւնը թերևս կարողանար հասնել իր նպատակին, եթէ միայն նրա դէմ դուրս չը գային նոր թշնամիներ, եթէ նա ստիպւած չը լինէր կտրու մղել պահպանելու համար և այն սեփականութիւնը, որն ունէր. եթէ նա ստիպւած չը լինէր յարմարել կապիտալիզմի ստեղծած կեանքի նոր դժւարին ու բարդ ձևերին: Եւ մեղաւորը բոլորովին գիւղացին չէ, եթէ այդ համարեան անիրագործելի խնդիրները պահանջեցին նրա բոլոր ոյժերի, մտաւոր ու ֆիզիքական ընդունակութիւնների լարումը:

Յրանստիական ինտէլիգենցիան, մինչև իսկ նրա ամենազնիւ մասը, որ ամենայն անկեղծութեամբ հոգում էր ժողովրդական բարօրութեան մասին, բաւականաչափ ուշադիր չէ եղել և չի խորհել Ֆրանսիական գիւղացու հոգեբանութեան, նպատակների և ձգտումների մասին:

Հողի և անկախութեան համար լարւած կռիւ մէջ, փոխանակ գիւղացուն օգնութեան հասնելու, ինտէլիգենցիան, սարսափելով յեամնացութիւնից, անհատականութիւնից, յայտարարեց նրան յենարան հակայեղափոխութեան և այն ամենի, ինչ ձգտում է յետ, ղէպի խաւարը, և այդպէս լուրթեան սալով իր պարտականութիւնները, նա, այդ ինտէլիգենցիան, ինքն իրեն մխիթարում էր միայն նրանով, որ միևնոյն է, սեփականատէր-գիւղացին մօտ ապագայում պէտք է անհետանայ, և որ նրա տեղը պիտի բննէ աւելի քիչ կամակոր ու հողազուրկ գիւղական մշակը — բատրակը:

Եւ միայն ամենավերջին ժամանակները սօցիալիստական ինտէլիգենցիան ըմբռնեց այդ հայեացքի ամբողջ սխալը, ղէպի գիւղացիութիւնն ունեցած այդ տեսակ վերաբերմունքի կորստաբեր լինելը և ընդունեց բոլորովին այլ տակտիկա:

V

Ֆրանսիական գիւղացին սիստեմատիկ կերպով ձգտում էր հասնել «հողի նւաճմանը» խիստ լարւած աշխատանքի և բազմաթիւ զրկանքների միջոցով: Բայց դրա հետ միասին նա միշտ ստիպւած էր լինում կռիւ մղելու աննպաստ պայմանների հետ, որոնք սպառնում էին զրկել նրան նաև այն սեփականութիւնից, որը նա արգէն ունէր: Այդ աննպաստ պայմաններից մէկն էլ այն էր, որ հողը հօրից որդոց ձեռքն անցնելիս՝ սիստեմատիկաբար մանրանում, դաժան-բաժան էր լինում: Գիւղացիութեան հողաբաժինները այդ բնական և անխուսափելի մանրացումը առաջ էր բերում աղքատացում, իսկ ապա նաև գիւղացիութեան հողազրկութիւն: Այդ չարիքի դէմ կուռլու համար գիւղացին էլ ոչ մի ուրիշ միջոց չը գտաւ, բայց եթէ գործադրել իր վերաբերմամբ Մարտուսի սարսափելի խորհուրդը: Իսկապէս էլ ի՞նչ էր մնում անելու: Հողաբաժինը, ժառանգաբար հօրից որդիներին անցնելիս միայն այն դէպքումն է բաժան-բաժան լինում, երբ հայրական հողը հարկաւոր է լինում բաժանել մի քանի ժառանգների միջև: Իսկ երբ ժառանգը միայն մէկն է, այն ժամանակ հողը անցնում է նրան ամբողջաբար: Եւ այդ պատճառով գիւղացին վճռում է մէկից աւելի որդի չունենալ...

Միւս, առաւել ևս կարևոր, գիւղացիական բարօրութիւնը հիմնայատակ անող և գիւղացուն հողազուրկ դարձնող պայմանն էլ՝ գիւղի ազգաբնակչութեան չափազանց աւելանալն է, այսինքն՝ երբ երկրագործ ժողովրդի թիւը աւելի է գառնուում, քան այդ հարկաւոր է եղած հողի մշակման համար: Գիւղական ազգաբնակչութեան այդ յաւելումը, որը ոչ սեփական հող ունի, ոչ էլ կապարով վերցնելու հող կամ վարձու աշխատանք, այդ յաւելումը, կրկնում ենք, ծանրանում է որպէս մի ճնշող լուծ աշխատաւոր ժողովրդի վզին, բարձրացնում է հողի կապարովարձը և, որ ամենից զլխաւորն է, իջեցնում է վարձու բանւորների աշխատավարձը:

Հողազուրկ, գործ որոնող գիւղացիների յաւելումը և դրանից անմիջապէս ծագող աշխատավարձի անկումը առաջ բերեց մի քանի եւրոպական երկիրներում, ինչպէս օրինակ Անգլիայում և Պրուսիայում, այն հանգամանքը, որ խոշոր կալւածատէրերի հո-

զատիրութիւնը կարողացաւ միանգամից կապիտալիստական բնաւորութիւն ընդունել, այսինքն խոշոր հողատնդերում հողն սկսեցին մշակել վարձու աշխատանքով, մեքենաների օգնութեամբ և մեծ կապիտալների միջնորդութեամբ:

Այդ երևոյթն ունեցաւ այն հետեանքը, որ երկրագործական արտադրութիւնը խիստ կերպով էժանացաւ և գիւղացի-սեփականատէրերը աղքատութեան դուռն ընկած, հարկադրւեցին ծախել իրենց հողերը:

Այդ կրգմից Ֆրանսիական գիւղացին համեմատաբար աւելի լաւ պայմաններ մէջ է գտնուում: Մեծ Զեղափոխութիւնը հողազուրկ չարեց ազատագրւած գիւղացիներին, փողոց չը նետեց միլլիօնաւոր հողազուրկ բանւորների, որոնք ծախէին չնչին գրնով իրենց աշխատանքը և դրանով թոյլ տային խոշոր հողատէրերին անցնել արտադրութեան կապիտալիստական ձևին: Ֆրանսիական խոշոր հողատիրութիւնը, չը գտնելով այդ քաղցած ու հողազուրկ բանւորների պատրաստ բանակը, չանցաւ արտադրութեան կապիտալիստական ձևերին, այլ պահեց հողը մշակելու հին եղանակները, այսինքն շարունակեց հողը կապարով տալ ֆէրմերներին և կիսարարականներին: Եւ ամբողջ XIX դարի ընթացքում գիւղացիութիւնը ամեն կերպ աշխատում էր գիւղը պաշտպանել ազգաբնակչութեան չափազանց շատանալուց և գիւղական ժողովրդի ամբողջ յաւելումը, հարիւր հազարաւոր մարդիկ, ամեն տարի ուղարկում էր զանազան լաղաքներ՝ գործաբաններում աշխատելու: Եւ այդ էր պատճառը, որ մինչդեռ անցեալ դարի ընթացքում քաղաքների բնակչութեան թիւը աւելացաւ համարեա վեց անգամ (2 1/2 միլլիօնից հասաւ 14 1/2 միլլիօնի), գիւղի ազգաբնակչութեան քանակութիւնը մնաց նոյնը, ինչ որ XVlll դարի վերջերին էր, այսինքն 24 միլլիօն:

Սուրբ հողատէրերը, որոնք ոչ միայն չէին գտնում աւելորդ բանւոր ձեռքեր, այլ նոյնիսկ չէին կարողանում այնքան բանւոր ձարել, որքան իրենց պէտք էր, դառնապէս գանգատուում էին և դեռ չեն դադարում գանգատուել այն մասին, որ գիւղացիները գիւղից «փախուստ» են տալիս, և այդ վերջին հանգամանքը նըրանք (խոշոր հողատէրերը) համարում են գիւղի անբարոյականացման ապացոյց, համարում են այդ մի փաստ, որը ցոյց է տալիս գիւղացիների ատելութիւնն ու զզւանքը դէպի երկրագործ-

ծութիւնը, նրանց ձգտումը զէպի քաղաքների հեշտ ու ապահով կեանքն ու կտոր հացը: Մինչդեռ հէնց այդ «փախուստովն» է, որ մանր գիւղացիութիւնը պահում էր իր գլուխը և փրկում իրեն քայքայումից: Այն հանգամանքը, որ գիւղացիութիւնը թոյլ չէր տալիս, որ գիւղում առաջ գար հողագուրկ ազգաբնակչութեան յաւելում, նախ և առաջ ինքնին մեծ արքելք էր, որը չէր թողնում, որ կալւածատիրական տնտեսութիւնը խոշոր-կապիտալիստական դառնայ. երկրորդ՝ շնորհիւ այդ հանգամանքի, գիւղացիները կարողացան հասնել այն նպատակին, որ հողի կապալավարձը և արժէքը ոչ միայն չը բարձրացան, այլ նոյն իսկ իջան: 1) Իսկ դրա հետ զուգընթաց՝ երկրագործական վարձու բանւորների աշխատավարձը սիստէմատիկ կերպով բարձրանում էր: 2)

Եթէ շնորհիւ մի քանի բարեպատեհ պայմանների, եթէ շնորհիւ հէնց իր գիւղացիութեան անյաղթելի տոկոսնութեան, աշխատասիրութեան և անձնւիրութեան՝ կապիտալիզմին չաջողւեց լայն չափերով երկրագործութեան մէջ թափանցելու, այդ դեռ բնաւ չէ նշանակում, որ գիւղացիութիւնը այդպիսով փրկւեց կապիտալիզմի անուղղակի ազդեցութիւնից: Ճիշտ է, գիւղացիական հողատիրութեան հետ միասին, կողք-կողքի տւած, հանդէս չեկաւ խոշոր-կապիտալիստական տնտեսութիւնը՝ իր կատարելագործւած տեխնիկայով, իր աժան աշխատանքով, որոնք իջեցնէին երկրագործական արտադրութեան արդիւնքների գները, արժէքը՝ ու սակայն այդ չը խանգարեց կապիտալիզմին՝ այդ գրներն ու արժէքները կողմնակի կերպով իջեցնել նրանով, որ աժան հացը սկսեց ներմուծել հեռաւոր երկիրներից, և շնորհիւ դրան էլ հացի գները սկսեցին սիստէմատիկաբար ընկնել ու ընկնել:

Գիւղացիները ամեն ջանք էին գործ դնում հողի արդիւնա-

1) Ահա 1882 և 1892 թւականների միջև եղած հողի կապալավարձի և ծախու արժէքի տարբերութիւնը.

Տարի	Կապալավարձը	Միջին քեսակի հողի հէկտարի արժէքը
1882	62 ֆրանկ	1, 863 ֆր.
1892	54 »	1, 559 »

2) Տարով վարձւած գիւղական բանւորներն ստանում էին 1862 թ. 256 ֆր.—տարեկան: 1892 թ.—360 ֆրանկ: Աւելանում էր նոյնպէս հովիւների և կտավարիչ—ծառաների վարձը:

բերականութիւնը բարձրացնելու համար և այդ կողմից նրանք ահագին հետեանքների հասան: Փոխանակ միջին բերքի՝ մէկինւ վեց, որպիսին արտադրում էր հողը XVIII դարի վերջում, այժմ այդ նոյն հողը տալիս է բերք համարեա մէկինւ-տասնուվեց: Սակայն հացի գները ինչնեխն այնքան սաստիկ էր, որ բերքն աւելանալով, եկամուտը չէր աւելանում: Մինչդեռ քայս վերջին 30-40 տարիների ընթացքում ազգաբնակչութեան պահանջները խիստ աճել են:

Այդպիսով գիւղացիութեան առջև, իսկապէս, կանգնած էր դժուարին ու ծանր մի խնդիր, որն այլևս անկարելի էր լուծել հին միջոցներով՝ աշխատանքով ու մէջք ծակով: Գիւղացին ստիպւած էր փրկութիւն որոնել ոչ թէ իր մէջ, այլ դրսև, իր շուրջը. նա ստիպւած էր փոքր ինչ գուրս գալ իր կեղևից, իր միայնութեան շրջանակից, հրաժարել իր հայեացքների մի քանիսից, փոխել իր կեանքի ամբողջ կազմը: Եւ գիւղացին կանգ չ'առաւ այդ բանի առջև:

Արդիւնաբերական և գործարանական կապիտալիզմը, որ այդ տեսակ յեղաշրջում մտցրեց գիւղացիական կեանքի ու տնտեսութեան մէջ, ունեցաւ նաև իր լաւ ազդեցութիւնը գիւղական ժողովրդի վրայ: Բացի այն հանգամանքից, որ կապիտալիզմը գործարանական արդիւնաբերութեան զարգացմամբ զբաղմունք աւելց այն միլիոնաւոր մարդկանց, որոնց գիւղն ուղարկւած էր քաղաք, —դրանից զատ նա (կապիտալիզմը) արթնացրեց գիւղացիութեան մէջ նոր ձգտումներ, հանեց նրան իր փակւած կեանքի նեղ շրջանակից և ընդլայնեց նրա մտաւոր հօրիզոնը:

Վերը յիշւած ճառի մէջ Ժօրէսը զարմանալի պարզ և գեղարւեստօրէն նկարում է կապիտալիզմի գիւղացիութեան վրայ ունեցած այդ ազդեցութեան պատկերը:

«Մարդկութեան պատմութեան մէջ,—ասում էր նա,—ոչինչ, ոչ մի բան գուր չէ կորչում, և ես չեմ կարծում, թէ տանջանքի երկար տարիները ֆրանսիական գիւղացիութեան համար կորած տարիներ լինեն: Այո, օգտակար,—ես չեմ վախնում այդ խոստովանել ամբիօնից,—օգտակար է, երբ գիւղացիները իրենց հողերի մանր կտորների վրայ տանջւել ու տանջւում են հեռաւոր ու հաժատարած տնտեսական երևոյթների ազդեցութիւնից: Չափազանց երկար և շատ փակւած մնաց գիւղացին իր անհատականութեան

մէջ: Նա զիտէր միայն իր փոքրիկ հողաբաժինը, սիրում էր այն անհաւատաւիլի և կատաղի սիրով—և էլ ուրիշ ոչինչ: Ի՞նչ գործ ունէր նա մնացած աշխարհի հետ: Նրան ի՞նչ, թէ նրա այդ փոքրիկ և խանդկոտ եռանդով պահպանուող հողաբաժնի միւս կողմը բնութեան բնական ոյժերն են, որ ազատ ծաւալուում են տարածութեան հետ ունեցած մեծ յարաբերութեան մէջ: Եւ միմիայն իրեն, իր հողի փշուրին էր յարմարեցնում գիւղացին և՛ արեգակի, և՛ հողմերի, և՛ ամպերի շարժումները, երևոյթների ամբողջ կարգն ու քօսք: Ամբողջ հօրիզոնից նրա աչքով ընկնում էր լոկ այն նեղ և աննշան ճեղքաձեւը, որի միջով նրան կարող էր հասնել բարերար կամ կործանիչ ազդեցութիւնը...

«Բայց ա՛նա նրա ցորենի արտի վրայով սկսում է անցնել արդէն ոչ թէ բնութեան բնական ոյժերի հոսանքը, այլ տնտեսական, սօցիալական և մարդկային ոյժերի շունչը: Նա վարում է, ցանում ու հնձում, նա տանում է իր ցորենը մօտակայ շուկան: Բայց դուրս է գալիս, որ թէպէտ և նրա աշխատանքը տարէցտարի մնում է նոյնը, բայց նրա ցորենի, անասունների, զինու, ձիթենիի և կաթի գինը սխառէմատիկաբար իջնում է: Այդ երևոյթների հանդէպ գիւղացին արդէն այնքան անտրտունջ չէ խոնարհուում, ինչպէս տարւոյին երևոյթների՝ կարկուտի, մրդի, երաշտի և ցրտատարութեան հանդէպ: Նա, թէպէտ և մութ կերպով, այնուամենայնիւ գիտակցում է, որ գների այդ փոփոխութիւնը մի փաստ է սօցիալական բնաւորութեամբ, մարդկային ձեռքի մի գործ է, որը կարելի է փոխել: Եւ ամեն կողմից պետական մարդիկ, Ֆինանսիստները, տնտեսագէտները, պատգամաւորները, կանդիդատները պնդում, կրկնում են, որ վերջին կէս դարի ընթացքում ահագին փոփոխութիւններ են տեղի ունեցել ամբողջ երկրագնդի վրայ, որ Հնդկաստանի, հարաւային Ռուսաստանի և արեւմտեան Ամերիկայի հսկայական հարթավայրերի վրայ ուրիշ մարդիկ էլ աշխատում են հէնց այնպէս, ինչպէս ինքը, բայց աւելի քիչ ծախքերով, և որ հեռաւոր երկիրներէ այդ ամբողջ աբտադրութիւնը շնորհիւ մեծ նաւերի արագընթացութեան, մէկէն ի մէկ տեղափոխւեց այստեղ և իր ամբողջ ծանրութեամբ ընկաւ նրա, գիւղացու վրայ: Եւ այդպէս՝ ցորենի այն քանակութիւնից, որ ցանել է Ֆէրմէքը արեւմտեան Ամերիկայում, ոսկու և արծաթի այն չափից, որ դուրս է բերւում հարաւային Աֆրիկայի և Աւստրա-

լիայի հսնքերում, Հնդկաստանի օրով աշխատող մուրացկան բանւորի աշխատավարձից, այլ և այլ երկիրներում սահմանւած հարկերի և տուրքերի քանակից,—այդ բոլորից վաղը կախւած կը լինի ոչ միայն նրա ցորենի, նրա աշխատանքի գինը, այլ հէնց նրա ազատութիւնը,—նրա սեփականութիւնը:

«Եւ ա՛նա գիւղացու համար մտախօսողի միջից երևան են գալիս հեռաւոր երկիրներ ու ժողովուրդներ, բայց այս անգամ արդէն ոչ իրը և դպրոցական աշխարհագրութեան մութ և անկեանք ուրականներ, այլ որպէս անողոք իրականութիւն: Եւ միևնոյն ժամանակ նա առաջին անգամ սկսում է զգալ ամբողջ մարդկութեան սոսկալի համերաշխութիւնը: Նա, որին կեանքը, անկրթութիւնը, ազահութիւնն ու ետականութիւնը մեկուսացրել են իր մի կտոր հողի վրայ, սկսում է իր կեանքը կապւած զգալ միւս մարդկանց կեանքերի հետ: Նա տեսնել է սկսում, որ իր արտի հասկերը սօսափում ու կորանում են ոչ թէ մթնոլորտային, այլ սօցիալական շնչերից ու հոսանքներից: Եւ նա, զարմացած, ականջ է դնում ու խորհում: Առաջին անգամն է, որ այդ կղզիացած ետպաշտը, շնորհիւ ճգնաժամի երկար տանջանքներին, կենդանի յարաբերութեան մէջ է մտնում մարդկային ամբողջ ցեղի հետ:

«Սակայն կրիզիսը (ճգնաժամը) ունեցել է նաև այլ օգտակար ազդեցութիւն գիւղացիութեան վրայ: Հանգիպելով համաշխարհային մրցման այդ ահաւոր յորձանքին երես առ երես, ընդհարելով մարդկային ձեռքի արտադրութեան այդ անսահման հեղեղատի հետ, գիւղացին ըմբռնեց իր միայնութեան ամբողջ վշտանգը: Եւ նա սկսեց որոնել, սկզբում դեռ խարխափելով, այն ձևը, թէ ինչպէս կազմակերպել և խմբել իր ջանքերը, ինչպէս կադակցել, զուգաւորել իր եռանդը, որ կարողանայ փրկւել: Նա սկսում է պարզապէս հասկանալ, որ ինքնապահպանութեան համար բաւական չէ արդէն մենակ իր «հողային սեփականատէր» կոչումը,—և նա սկսում է իր յենակէտը, փրկւելու միջոցը որոնել իրեն շրջապատող համայնքի մէջ:

Եւ այդպիսով ճգնաժամերի տեղական ազդեցութիւնը հետըզհետէ նախապատրաստեց գիւղացուն մտքերի և, գուցէ, կեանքի նոր կազմի համար»:

VI

Ֆրանսիական գիւղացիութիւնը բնորոշելիս, ով էլ որ լինի այդ անողը՝ Ֆրանսիացի, թէ այլազգի, սովորաբար ամենից առաջ և ամենից ուժեղ կերպով շեշտուած է գիւղացու անհատականութիւնը, նրա սէրը դէպի մասնաւոր սեփականութիւնը, նրա զգւանքը դէպի հասարակական և համայնական ձեռնարկութիւնները: Բացի այդ, այստեղ ևս, ինչպէս և գիւղացիութեան այդ յատկանիշները նկարագրելիս, աչքաթող են անուած ոչ միայն ուրիշ դասակարգերի ազդեցութիւնը գիւղացու վրայ, այլև այնպիսի փաստեր, որոնք բացէ ի բաց հակասուած են այդ բնորոշումներին: Այդ բանի համար որպէս ամենալաւ իլլիւստրացիա կարող է ծառայել Ֆրանսիական գիւղացիութեան վերաբերմունքը դէպի համայնական հողատիրութիւնը: Զանազան բնորոշումներին հայած, կարելի էր կարծել, թէ Ֆրանսիական գիւղացիութիւնն ինքը արդէն վաղուց ի վեր աշխատում է անջատել հողատիրութեան այդ ձևից և վաղուց է, ինչ ձևով է քաշել նրանից, մինչդեռ փաստերը վկայում են, որ տիրող դասակարգերն են, որ Ֆրանսիայում համայնքը շարունակ բռնի կերպով քայքայել են. և չը նայած, որ ամբողջ դարերի ընթացքում սխտեմատիկ ու եռանդուն կերպով համայնքը արմատախիլ անելիս է եղել, բայց և այնպէս նա մինչև այժմ էլ ոչ միայն չէ անհետացել, այլ և կազմում է Ֆրանսիայի ամբողջ երկրագործական հողատարածութեան իննը տոկոսը:

«Համայնական սեփականութիւնը,—ասում է Ն. Կուլբինը Ֆրանսիական գիւղացիութեան խնդրի շուրջը գրւած իր յօդւածներից մէկում,¹⁾—Ֆրանսիայում ապրել է մի ամբողջ շարք յարձակումներ. հողերի գրաւումը ֆէօդալների ձեռքով և նրանց անարդար պահանջումները XVI և XVII դարերի ընթացքում. գիւղատնտեսական բուրժուական գաղափարների հեղեղը XVIII դարում. Կօնվէնտի 1793 թւականի այն օրէնքը, որ վերաբերում էր համայնական հողերի պարտադիր բաժանման բոլոր բնակիչներին միջև՝ եթէ այդ ցանկանայ ազգաբնակչութեան երրորդ մասը. 1813 թւականի օրէնքը, որով Նապօլէօնը համայնական սեփականութեան մի մասը գրաւեց յօգուտ պատերազմից սպառւած զանձարանի և պետական փոխառութեան պատրւակով. 1860 թւակա-

¹⁾ «Крестьянский вопрос во Франции», «Русское Богатство» 1900, № 1.

նի օրէնքը, որը պարտաւորեցնում էր համայնքներին այսպէս թէ այնպէս շահագործել անմշակ մնացած հողերը և այլն: Եւ ինչ. չը նայած որ համայնական սեփականութիւն, անդադար կտրուել, անդամալուծւել և քայքայւել է ոյժով թէ խորամանկութեամբ, որ ամեն տեսակ օրինաւոր և ապօրինի փորձերի առարկայ է եղել, բայց և այնպէս նրա տարածութիւնը ներկայումս կազմում է ամբողջ տէրրիտօրիայի մօտ տասնութիւնը կերպով մասը, և գոնէ վերջին 15 տարիների ընթացքում ցոյց չէ տալիս պակասելու ոչ մի նշան: Եւ նշանակալից է այն, որ սօցիալական խնդրի չափազանց սուր կերպարանք ստանալը առաջ է բերում նոյնիսկ բուրժուաների շրջաններում քննադատական վերաբերմունք դէպի այն վարդապետութիւնները, որոնք պնդում են հողի մասնաւոր սեփականութեան բացատրիկ օգտակարութեան վրայ. և այժմ նոյնիսկ բուրժուաները հարկադրւած են զգուծ իրենց՝ զննել համայնական տիրապետութեան խնդիրն աւելի լայն տեսակէտից, քան առհասարակ անուած է այդ դասակարգերի մէջ»:

Դրա հետ միասին սօցիալիստական կուսակցութիւնն էլ է սկսում ճանաչել համայնքը, որպէս հողային յարաբերութիւնների վերանորոգման ամենալաւ գործիքներից մէկը, ուստի որոշել է ոչ միայն ձգտել պահպանել գոյութիւն ունեցող համայնքները, այլ և, եթէ հնարաւոր լինի, նորերն էլ ստեղծել:

Սակայն, կապիտալիզմի ազդեցութեան դէմ կուելու համար գիւղացին հնարաւոր չը համարեց վերադառնալ համայնական հողատիրութեան: Նա գտաւ մի այլ, աւելի հասարակ ձև՝ նոյն հասարակական համերաշխութիւնը և փոխադարձ օգնութիւնը իրազգործելու, որը թոյլ է տւել նրան պահպանել իր մասնաւոր սեփականութիւնը և միևնոյն ժամանակ տւել է նրա ձեռքը անհրաժեշտ միջոցներ՝ աւելի բարձր կուլտուր մտցնելու, անբարեպատեհ պայմանների հետ կուելու, օրէնսդրութեան վրայ ազդելու համար և այլն:

Այդ ձևը—երկրագործական միութիւններն են (սինդիկատները):

Երկրագործական սինդիկատները սկսեցին առաջ գալ Ֆրանսիայում միմիայն 17 տարի սրանից առաջ, բայց չը նայած դրան, նրանք արդէն ընդգրկել են երկրագործ ազգաբնակչութեան մի ահագին մասը և խոստանում են դեռ աւելի աճել ու զար-

գանալ: Առաջին սինդիկատները երևան եկան 1848 թվականին այն բանից յետոյ, երբ պատգամաւորներ խորհրդարանը ընդունեց մի օրէնք, որը «Թոյլադրում էր կազմակերպել արհեստակցական սինդիկատներ, որոնց միակ նպատակն է ուսումնասիրել և պաշտպանել արդիւնարեքական առևտրական և երկրագործական շահերը» (1883 թվականի մարտի 21-ի օրէնքը):

Սինդիկատների առաջին քարոզողները եղան գիւղատնտեսները, — և գիւղացիութիւնը շերտ համակրանքով ընդունեց այդ նորմուծութիւնը: Այդ հաստատուում էր նրանով, որ սինդիկատները սկսեցին երևան գալ Ֆրանսիայի բոլոր մասերում, և նրանց թիւը տարէցտարի աճում էր զարմանալի արագութեամբ: 1884 թվականին հիմնւել է ընդամենը 5 սինդիկատ, իսկ վեց տարի յետոյ՝ 1890 թվականին արդէն 648 սինդիկատ կար, որոնք ունէին 234,234 անդամ: Մինչև 1899 թվականի սկիզբը սինդիկատների թիւը եռապատկեց (1824 սինդիկատ), իսկ անդամների թիւը հասաւ համարեան կէս միլիոնի (491692): Նոյն 1898 թվի վերջին արդէն 2,133 սինդիկատ կար:

Սինդիկատները դնում են իրենց առաջ շատ լայն նպատակներ, որոնք ընդգրկում են գիւղացիական կեանքի ոչ միտյն տընտեսական, այլ և սօցիալական, քաղաքական և բարոյական կողմերը: Սրանց ընդհանուր նպատակն է «երկրագործութեան տընտեսական շահերի ուսումնասիրութիւնը և պաշտպանութիւնը», իսկ այդ նպատակը արտայայտուում է հետևեալ մասնաւոր ձեռնարկներով. 1) ծանօթանալ որոշ տեղի երկրագործութեան կարիքների հետ և առաջարկել կառավարութեանը զանազան միջոցների նախագծեր՝ այդ կարիքները վերացնելու համար, պաշտպանել այդ միջոցների անհրաժեշտութիւնը պատգամաւորների պալատում:

2) Տարածել երկրագործական գիտելիք — ինչպէս յատուկ դասընթացքների, գասախօսութիւնների, բրօշուրների, գրագարանների միջոցով, այնպէս էլ ամեն տեսակ այլ եղանակներով:

3) Մրախուսել ամեն մի նոր փորձ օգտակար բոյսեր սնկելու, հողը պարարտացնելու, կատարելագործւած մեքենաներ և գործիքների մտցնելու, մի խօսքով այն ամենի, ինչ կարող է նպաստել աշխատանքը հեշտացնելուն, ծախքերը պակասեցնելուն և արտագրութիւնը բարձրացնելուն:

4) Առաջ բերել, և խրախուսել և ամենուրեք տարածել այնպիսի հիմնարկութիւններ, ինչպէս միացեղ արտադրութեան և վաճառման ընկերութիւնները, փոխադարձ օգնութեան կասսաները կենսաթոշակային դրամարկղները, դժբախտ դէպքերից ապահովող ընկերութիւնները, արդիւնքների առաջադրութեան ու պահանջի մասին տեղեկութիւններ տւող գրասենեակներ և այլն:

5) Միջնորդել երկրագործական արդիւնքները վաճառելու, պարարտացնող միջոցներ, գործիքներ, անասուններ և այլ հարկաւոր պարագաներ գնելու համար, այն պայմանով, որ սինդիկատի անդամները օգտւեն զիջումով:

6) Հետևել, որ սինդիկատի անդամների ձեռքով գնւող կամ ծախւող արդիւնքները կեղծւած չը լինեն:

7) Տալ ձրի խորհուրդներ սինդիկատի անդամներին երկրագործութեանը վերաբերող բոլոր խնդիրների մասին,

8) Հիմնել անդամների միջև այլ և այլ ընկերութիւններ՝ փոխադարձ օգնութեան, ապահովագրութեան և առհասարակ այնպիսի հիմնարկութիւններ, որոնք նպաստ էին սինդիկատի անդամների ամենկողմանի զարգացմանը և նրանց բարօրութեան բարձրացմանը:

Եւ պէտք է ասել, որ այդ նախագծերը չը մնացին միայն թղթի վրայ: Այդ 12-15 տարիների ընթացքում սինդիկատները շատ են նպաստել Ֆրանսիական երկրագործութեան բարձրացմանը:

Ներկայումս սինդիկատները խառն բնաւորութիւն են կրում. նրանց անդամների թւում կան և խոշոր, և միջակ, և մանր հողատէրեր, և ֆէրմէրներ, և կիսրարականներ: Սինդիկատների մէջ կարող են մտնել նաև բանուորներ, բայց դրանք համարեա ոչ մի տեղ չեն մասնակցում սինդիկատներին: Սինդիկատների այդպիսի բնաւորութիւնը և այն հանգամանքը, որ նրանց կազմակերպիչները լինում են խոշոր հողատէրերը, արխատուրատները, կոմսերը և բարօնները, իր առաձայատուկ կնիքն են դնում նրանց ամբողջ գործունէութեան վրայ, խիստ սահմանափակելով նրանց նշանակութիւնը գիւղացիութեան համար: Նրանք, այդ սինդիկատները, բոլորովին անկարող են օգնել գիւղացիութեանը «հող նուաճելու» գործում, հնարաւորութիւն չունեն կանոնաւոր յարաբերութիւններ ստեղծել ոչ խոշոր և մանր հողատիրութիւնների, ոչ

էլ հողի սեփականատէրերի և բանւորների միջև: Նրանք կարող են օգտակար լինել ևս լինում են միայն արտադրութիւնը բարելաւելու, աւելացնելու ևս էժանացնելու գործում, այսինքն այն շրջաններում, որտեղ խոշոր հողատէրերի շահերը ուղղակի չեն հակասում մանր հողատիրութեանը: Խոշոր հողատիրութեան համար այդ սինդիկատները ձեռնտու են նրանով, որ զբանց միջոցով խոշոր սեփականատէրերը կարողանում են կառավարութիւնից ստանալ զանազան նպաստաւոր օրէնսդրութիւններ, մաքսեր՝ ներմուծող հացահատիկների համար, բացի դրանից, նրանց յաջողում է սինդիկատների միջոցով պակասեցնել տալ հարկերը և, որ գլխաւորն է, նրանք կարող են դիմել կառավարութեանը 1/2 միլիոն գիւղացիութեան անունից, իսկ այդպիսի բազմութեան ձայնին կառավարութիւնն ինարկէ չէ կ'օրող անտարբերութեամբ վերաբերել: Իսկ գիւղացիների համար սինդիկատները այն ահագին օգուտն ունեն, որ նրանց միջոցով մանր հողատիրութեան մէջ աստիճանաբար մուտք է գործում, այսպէս, սասած, գիտութեան վերջին խօսքը, եւ այդպիսով մանր երկրագործութիւնը հնարաւորութիւն է ստանում ինտենսիւ դառնալ, այսինքն համեմատաւորի, որոնցից գիւղացիութիւնը զուրկ է:

Այն հանգամանքը, որ ներկայումս սինդիկատները գտնուում են խոշոր հողատէրերի ղեկավարութեան ներքոյ եւ որ նրանց նշանակութիւնը գիւղացիների համար սահմանափակ է, — չի ներկայացնում մի այնպիսի կարեւորութիւն, ինչպէս այդ կարող է թւալ առաջին հայեացքից: Այստեղ աւելի կարեւոր է այն, որ գիւղացին, վերջապէս, վճուեց դուրս դալ իր փակած կեանքի շրջանակից, իր անհատականութիւնից, որ նա իր անտունելի գրութիւնից ազատելու ելքը սկսեց որոնել միատեղ համայնական գործունէութեան մէջ միւս երկրագործների հետ, որ նա ըսկսեց հասկանալ այդօրինակ ընկերական, միացած և արտէլական գործունէութեան օգուտը: Իսկ դրանից յետոյ արդէն կեանքն ինքը ցոյց կը տայ նրան, թէ ինչպէս գործել այդ գէնքով, որտեղ գործադրել իր միացած, համախմբւած ոյժերը: Բէլգիայում էլ այդ նոյն շարժումը թէ քաղաքում և թէ գիւղում սկսւած էր կղերականների ձեռքով, իսկ այսօր նա միանգամայն այլ բնաւորութիւն է ընդունել և անցել է սօցիալիստական կուսակցութեան ձեռքը: Այդ նոյն բանը կարելի է սպասել նաև Ֆրանսիայում:

VII

Մեր յօդւածի սկզբում մենք համեմատել էինք միմեանց հետ Ֆրանսիական գիւղացիական հողատիրութեան վիճակը XVIII դարի վերջում և նրա վիճակը ներկայ դարի նախօրեակին:

Սակայն որպէսզի ճշգրիտ գաղափար կազմւած լինի Ֆրանսիական ժամանակակից գիւղացիութեան ընդհանուր վիճակի մասին, թէ արդեօք լաւանում է թէ վատանում նրա դրութիւնը, մենք պիտի մի փոքր կանգ առնենք վերջին տասնամեակի մի քանի թւերը համեմատելու վրայ: Տեսնենք, ինչ փոփոխութիւններ են տեղի ունեցել գիւղացիական հողատիրութեան և գիւղական ազգաբնակչութեան կազմի մէջ վերջին երեսնամեակի ընթացքում, այն է՝ 1862 թւից մինչև 1892 թիւը (աւելի նոր վիճակագրական տեղեկութիւններ առ այժմ չը կան):

Ահա այդ թւերը:

	1862 թ.	1882 թ.	1892 թ.	1862 թ. մինչև 1892 թ.	Աւելացել է Պակասել է
1) Իրենց հողերը մենակ կամ վարձու աշխատանքով մշակող սեփականատէրերի թիւը	1,812,573	2,150,696	2,199,220	386,647	—
2) Ֆէրմէրներ	1,035,369	968,328	1,061,401	26,032	—
3) Կիսարականներ	405,387	341,576	344,168	—	61,219
4) Օրավարձով բանողներ	2,008,744	1,430,687	1,210,081	—	793,666
5) Մտուաներ	2,094,777	1,954,251	1,832,174	—	263,603
				412,679	1,118,445
				—	705,905

Այն, որ առաջ բերւած թւական աղիւսակը ցոյց է տալիս երկրագործական ազգաբնակչութեան աւելի քան 790 հազար մարդով նւազումը, ներկայ դէպքում մեզ համար հետաքրքիր չէ, որովհետև այդ նւազումը գլխաւորապէս առաջացել է այն պատճառով, որ 70 թւականին Ֆրանսիան կորցրել է Էլզաս-Լոտարինգիան: Մեզ համար կարեւորութիւն ունեն այն փոփոխութիւնները, որոնք տեղի են ունեցել երկրագործ ժողովրդի կազմի մէջ, և աղիւսեակը վկայում է, որ այդ երեսուն տարւայ ընթացքում սեփականատէր-գիւղացիների թիւը նւազել է աւելի քան մէկ միլիոնով, իսկ կապալի խնդրում կողոպտիչ կիսարականութիւնը, որ նւազած է 61,000 ուլ, դիջել է իր տեղը կապալի մի աւելի

կանոնաւոր ձևի, այն է ֆէրմէրութեան, որը աւելացել է 26,000-ով: Այդ թւերը պարզ կերպով ցոյց են տալիս մեզ և այն, որ հող ունենալու ձգտումը և հողի հետ սերտ կապւած լինելը ապրում է ոչ միայն սեփականատէր—գիւղացու սրտում, այլ և հոգազուրկ բարոսի:

Վերը մենք արդէն յիշեցինք գիւղական բանւորների աշխատավարձի աստիճանական բարձրացումը: Բերենք էլի մի քանի թւեր, որոնք վկայում են ֆրանսիական գիւղի բարօրութեան աճման մասին:

Բարօրութեան աստիճանը ցոյց տալու ամենաճշգրիտ յատկանիշներից մէկն է գործածող մսի քանակութիւնը, և այդ կողմից մենք տեսնում ենք, որ մսի գործածութիւնը գիւղական ազգաբնակչութեան կողմից սիստէմատիկաբար աւելանում է: 1862 թւականին իւրաքանչիւր գիւղական ընակչի վրայ ամբողջ տարւայ ընթացքում ընկել է 18,57 կիլօգրամ միս (կիլօգրամը=2 1/2 ֆունտի), 1882 թւին—21,89 կիլօգր. 1892 թւին—26,25 կիլօգր. (այդ միևնոյն ժամանակ իւրաքանչիւր քաղաքային ընակչի վրայ ընկնում էր 58,12 կիլօգր):

Այդ թւերով մենք, ի հարկէ, մտադրութիւն չունենք ապացուցելու, որ ֆրանսիական գիւղը ներկայանում է մեզ որպէս երկրային գրախոս:

Քաւ լիցի!

Մի ամբողջ դար ֆրանսիական գիւղացիութիւնը մղել է ուժեղ և կամակոր կռիւ հողի և տնտեսական անկախութեան համար: Եւ այդ տոկոսն կոխը, դեռ մինչև օրս էլ չի կարող վերջացած համարել: Միակ բանը, որ մենք փորձեցինք ապացուցել, այդ այն է, որ գիւղացիութիւնը շատ շանսեր ունի այդ կուից յաղթող գուրս գալու և որ, յամենայն դէպս, նա չի կարող յաղթւած ճանաչուել:

Եթէ նա, այդ չարքաշ գիւղացիութիւնը, կարողացաւ դիմանալ կապիտալիզմի առաջին և ամենաուժեղ յարձակումներին, լինելով անպատրաստ, միայնակ, անկազմակերպ, ապա նշանակում է, որ այժմ, երբ նա արդէն կազմակերպւում է, երբ նրան օգնութեան ձեռք են մեկնում և՛ քաղաքական, և՛ հասարակական կուսակցութիւնները, նա, հաւանօրէն, աւելի արագ կընթանայ դէպի իր նպատակը՝ հողի և անկախութեան նւաճումը: Եւ երբ այդ կենսական նպատակը, այդ պատմական խնդիրը իրագործւած կը լինի, միայն և միմիայն այն ժամանակ ֆրանսիական գիւղացին ոտք կը կոխի պատմական և կուլտուրական ասպարէզը, ցոյց կը տայ, թէ ով է ինքը և ինչ է ընդունակ կատարելու: Նրա դերը դեռ ապագայումն է:

Վ. Ե. Բ. Զ.



1875

1875

